



LECTORI.

EX antiquis fideque dignis scriptoribus constat, gloriosissimæ memoriæ Ducem HENRICUM LEONEM, quum anno 1172, Palæstina & sancto sepulchro lustratis, Brunsvigam rediisset, eodem adhuc anno vetustum sancti Petri & Pauli templum in Burgo, quod Danquarderoda isto tempore dicebatur, situm dirui curasse, & ecclesiam cathedram, honori sancti Johannis baptistæ, & sancti Episcopi ac martyris Blasii, qui anno post natum Christum 310. martyrii coronam accepit, dicatam, ædificare cœpisse; sacramque hanc ædem reliquiis, auro, argento, ac gemmis quam splendidissime exornatis, quas Constantinopoli, alibique terrarum acceperat, quasque deinceps etiam comparaverat sibi, liberaliter ditasse.

Vetusta quædam tabula membranacea, lingua inferioris Saxoniae conscripta, quæ in ecclesia cathedrali Brunsvicensi, e regione sepulchri ducis HENRICI LEONIS suspensa est, quæque a Madero in antiquitatibus Brunsvicensibus p. 173. producitur, sequentia hac de re narrat:

Anno 1030. templum Danquarderodense a Godehardo,
* 2